

خطوبة ما تمت بسبب لقافة

في أحد الجلسات أخو البنت "فهد" يسأل الشباب عن "ناصر" وإذا واحد من الشباب يتليقف.

"ثامر" ليكون تقصدون "ناصر" ولد "صالح" ابو الكامري الجديد ابو تنده؟

"فهد": أهو ماغيره.

"ثامر": الصراحة شقولك مره شفته عند "الفوارس مول" مركب وحدة وكانت هالوحدة لابسة ذاك الكعب شطوله
ينعرف انها قصيرة بس هذا الي اقدر اقله وابري ذمتي.

"فهد" نقل السالفة لخواته و"ثامر" نقل السالفة لخواته

خوات "فهد" خذوا موقف ان ناصر راعي بنات.

خوات "ثامر" اعرفوا البنت القصيرة أم الكعب العالي وقالوا: شسويت يا سويد الوجه تراك شوهدت سمعت
الولد وذي نعرفها تطلع اخته.

"ثامر" راح للشباب بالجلسة يعلمهم عشان يصلح الصورة اللي سواها بسبب الكلام اللي لقاها من خواته لكن
بعد ثلاث اسابيع.

طلع واحد مع "ثامر" وراحوا لمكان عمل "فهد" يعلمونه السالفة وقال لهم: اختي ملكت على ولد
جارنا" مطلق" بسبب اللي سمعته من "ثامر" غيرنا راينا في "ناصر" لكن الزواج قسمة ونصيب وان شا
تلقون له بنت الحلال.